

## TË ARDHURA QË LULËZOJNË

Investoni në fondin që vë  
në lëvizje kursimet tuaja

## Raport Muaji Janar 2020

### Informacion bazë

Menaxhimi i Fondit	<b>Raiffeisen INVEST</b>
Monedha	<b>LEK</b>
Datë Lancimi	<b>01 Mars 2012</b>
Vlera fillestare e kuotës	<b>1,000</b>
Shuma fillestare minimale	<b>5,000</b>
Shuma minimale pasuese	<b>1,000</b>
Komision në hyrje	<b>0%</b>
Komision në dalje	<b>0%</b>
Komision Administrimi në vit	<b>1.25%</b>
Kosto për transfertë fondesh nga palë të treta	<b>Referojuni informacionit ne deget e RBAL</b>

### Objektivi i investimit dhe profili i investitorit

Objektivi i Fondit është të maksimizojë kthimin nga investimi, duke synuar në të njëjtën kohë ruajtjen e kapitalit të investitorit dhe sigurimin e likuiditetit të nevojshëm.


Asetet e fondit janë të investuara në bono thesari dhe obligacione të emetuara ose garantuara nga Qeveria e Republikës së Shqipërisë.

Fondi është i përshtatshëm për individë dhe subjekte juridike të cilët mendojnë se objektivi i investimit i Fondit përputhet me kërkesat dhe pritshmëritë e tyre.

### Profili i Rrezikut dhe Përfitimit

Rrezik i ulët  
Përfitimet tipike më të ulëta

Rrezik i lartë  
Përfitimet tipike më të larta



**Fondi Raiffeisen Prestigj është në kategorinë e dytë të Profilit të Rrezikut dhe Përfitimit.**

Treguesi i rrezikut dhe përfitimit korrespondon me një numër të plotë i cili përdoret për të renditur fondin në një nivel rreziku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa rrezik.


Ky tregues ka për qëllim tju informoje mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e rrezikut në të ardhmen.

## Të dhëna për Fondin në 31.01.2020

<b>Vlera Neto e Aseteve</b>	<b>42,188,807,557</b>
<b>Numri i investitoreve</b>	<b>21,362</b>
<b>Cmimi i Kuotes</b>	<b>1,526.1679</b>
<b>*Kthimi vjetor nga investimi (31.01.2019 - 31.01.2020)</b>	<b>1.59%</b>

\*Komisioni i administrimit zbritet përpara llogaritjes së kthimit nga investimi

## Struktura e portofolit të investimeve në 31 Janar 2020



Në kuadër të politikës së investimit të fondit Prestigj, investimet do të kryhen kryesisht në bono dhe obligacione thesari, të emtuara ose garantuara nga Qeveria shqiptare, përmes pjesëmarrjes në ankandet e tregut primar apo transaksioneve në tregun sekondar.

Bonot e thesarit 12 mujore emetohen dy herë në muaj; Obligacionet 2 vjeçare një herë në muaj; 7 dhe 10 vjeçare janë me të rralla, afërsisht një herë në tre muaj. Qeveria organizon ankande të obligacioneve referencë 5 dhe 3-vjeçare me frekuencë një herë në 2 muaj për secilin maturitet.

<i>Instrumenti</i>	<i>Ne % te Aseteve te Fondit</i>
Marreveshje të Anasjellta të Riblerjes – Rev Repo	3.45%
Depozita & Llogari rrjedhese	6.81%
Bono Thesari	19.39%
Obligacione Thesari	70.35%

Strategjia e investimeve është e fokusuar në tituj të Qeverisë Shqiptare, por përveç këtyre investimeve, Fondi mban një pjesë të asetëve në depozita afatshkurtra për të plotësuar në çdo kohë nevojat për likuiditet të investitoreve.

Vlera neto e asetëve të fondit është në nivelin e LEK 42.19 miliardë në datë 31 Janar 2020.


## Ecuria e normave te interesit te letrave me vlere te Qeverise Shqiptare gjate muajit Janar

Gjate muajit Janar, normat e interesit te titujve te emetuar nga Qeveria Shqiptare filluan te tregojne tendence te lehte ne rritje, e cila i atribuohet kryesisht kërkeses me te larte te qeverisë për borxhin e brendshëm në monedhen Leke.

Gjate muajit Janar yield-i mesatar i ponderuar ne ankandin primar per Bono Thesari 12 mujore rezultoi ne 1.764%, pothuajse ne te njejtat nivele krahesuar me normen e vendosur ne ankandin e fund muajit Dhjetor qe ishte 1.767%.

Persa i perket ankandeve te obligacioneve, 2 vjeçar-i i emetuar ne LEK rezultoi ne 2.25%, duke u rritur me 9 pike ne yield nga ankandi i meparshem. Ndersa, obligacioni 10-vjeçar rezultoi ne 5.29% duke u rritur gjithashtu me 9 pike baze ne krahesim me normen e vendosur ne ankandin e fund muajit Tetor qe ishte 5.20%.

Grafiku me poshte jep nje pasqyre te ecurise se normave te interesit te bonove dhe obligacioneve te thesarit te emetuar nga Qeveria Shqiptare gjate periudhes 1-vjeçare Janar 2019 – Janar 2020. Per obligacionet reference 3 dhe 5 vjeçare jane paraqitur yields fiks te perlogaritura nga kuotimet e kontributoreve ne fund te muajit Janar.




## Performanca e fondit dhe ecuria e çmimit të kuotës deri ne 31 Janar 2020

Çmimi i kuotes se fondit Prestigj ne muajin Janar ka pesuar rritje me 0.12%, si pasoje e te ardhurave te realizuara nga investimet ne titujt e Qeverise Shqiptare. Kthimi vjetor neto per periudhen 31 Janar 2019 – 31 Janar 2020 eshte ne nivelin 1.59%.

Performanca e fondit eshte shume me e larte se norma mesatare e tregut per depozitat 1 vjecare ne LEK, e cila per te njejten periudhe (Janar 2019 – Janar 2020) ka qene perafersisht 0.78%, si edhe shume me e larte se yield-i mesatar i Bono Thesari 12 muaj, i cili per te njejten periudhe ishte 1.30%.

### Ecuria e çmimit të kuotës Fondi Raiffeisen Prestigj



Fondi Prestigj vijon të ketë të njejtën strukturë të portofolit të investimeve duke investuar në bono dhe obligacione të emetuara nga Qeveria e Republikës së Shqipërisë. Për pasoje të vlera e portofolit pëson luhajtje sa herë ka ndryshime të normave të interesit të bonove / obligacioneve në treg dhe norma e kthimit ndryshon në varesi të kushteve të tregut, veçanërisht ndryshimeve të normave të interesit të titujve të borxhit të emetuar nga Qeveria Shqiptare.

Në këtë mënyrë çmimi i kuotës mund të jetë i luhatshëm. Luhatshmeria është pjesë e natyrshme e fondeve të investimit dhe eliminimi i saj është i pamundur, kështu çmimi i kuotës mund edhe të bjere, jo vetëm të rritet.

Investitorët e fondit Prestigj dhe të gjithë fondeve të administruara nga Raiffeisen Invest këshillohen të kenë një horizont sa më të gjatë investimi për të përfituar një kthim maksimal nga investimi.

Të dhënat për kthimin nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjere numerike, janë përdorur për qëllime ilustrative dhe analize të të dhënave historike, dhe nuk duhen përdorur nga investitorët për të nxjerrë konkluzione për të ardhmen.

Investitorët e mundshëm janë të ftuar të lexojnë Prospektin dhe Rregullat e Fondit. Raiffeisen Invest dhe bankierët e Raiffeisen Bank nuk garantojnë një kthim të caktuar të fondit. Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen INVEST sh.a., në web site [www.raiffeisen-invest.al](http://www.raiffeisen-invest.al), ose në degët e Raiffeisen Bank në Shqipëri.